

密城朴氏族譜序

朴之氏於中國未有而我東則巨閥也其源肇自新羅王王迹熄而降編戶然歷三韓遍八域其麗不億至今分貫爲五十餘而密城最著密城之譜始於我 肅宗朝厥後斯役不知其幾而年前總譜實吾姓數千年初有之舉也雖若無事於今然支分派異雲仍尙多闕漏繼而輯之亦不可已也故肆與族孫璣輔忠輔經紀是役凡三載而付手民嗚呼五世澤斬之後殺爲路人理勢之固也雖然自祖先觀之均是子孫若視同秦瘠推而不去豈吾祖先均視之意也此程夫子所以收宗族厚風俗使管攝人心者也然則凡吾同譜者只以一時之合宗系叙昭穆爲能事而不思所以孝弟則不但祖先之靈瑟縮不安萬子孫敦睦之義亦何由而生哉余方癡廢深坐無以與聞其事而實賴諸族之誠勤克底其終猥以一語勉戒諸族亦欲以自勵云時柔兆困敦季春日承旨公十一代孫滿九謹叙

吾朴系出新羅天潢號稱三韓巨族源遠而流衆各以所蒙中祖別爲世家者凡十有七以言乎先烈則道德文章忠節勳業炳烺竹帛以言乎後昆則醴泉靈芝

金鳳玉麟連世趾美者指不勝擣而我中祖密城君諱陟之後爲尤盛焉中世以來累有諸家合譜之舉而不無近取遠漏之弊以是爲遺憾矣迺者族兄滿九氏倡言曰凡修譜與其大而脫略曷若小而周詳今只以我密城君後言之雲仍彌繁散居四方慶吊無聞視若塗人者有之程子所謂明系取族以厚風俗者正時下急務盍先修一家之譜極其周詳而母或脫略矣乎僉曰可設役定規散居諸族收合無遺付諸剗然後昭穆隆殺宗支親疎秩秩有序瞭然在目譜將竣壞九告于衆曰惟我大同之上系可以溯考於舊譜至若近代派分之詳舍今新譜奚以哉各世家人以滿九氏之心爲心而編成其譜以俟他日大同之譜合舉而措之則事半功倍而絕無漏略之憾矣豈非一大宗幸福而滿九氏之功有光前人者乎凡我同族恪典是譜用勉乎由親及疏之義以達乎合小成大之理也夫

叅議公十一代孫燧九謹序

族之有譜猶國之有乘其大小雖殊其所以爲史一也謹按吾族之譜始於新羅始祖王自我 肅廟辛巳迄于 高宗壬寅凡幾斯役而其例或詳或略前合後

分者蓋緣族大人衆勢有不及故爾是以厥後甲子已有派譜今又如往例而爲之竊惟吾族新羅以前載于國乘高麗以後降爲家譜其乘其譜雖若不同合而統之自無有異然則豈向所謂大小雖殊其所以爲史一者非耶今此編輯視舊有詳略分合者可按而知之若其尊敬之道敦睦之誼不古而豐非今而嗇各自有天賦中流出來者矣亦奚庸贅說譜旣成以余爲與聞終始屬筆書之如此云時柔兆困敦乾之望承旨公十三世孫璣輔謹序

一根而爲萬樹一源而分萬流此天下之至理也然異體之遠則萬又各自爲一而一復生萬根根源源到底成物皆然人尤著此派譜之所以作也吾朴氏出新羅始祖王至密城大君分封受貫歷世已千餘其間譜役亦不知其幾也但支分而派異難於會通故無寧各修其系各合其族以敦親親之誼也於是我族大父剛窩丈經紀是役近自嶺湖遠至關北搜羅詢謀凡三載而合尖付手民是雖諸族誠力攸至不有我族大父之尊祖敬宗該疎敦親安能遠邇響合如是其極也閱斯編孝弟和睦之心油然而發若親奉祖先於一堂之上萬子孫後先趨侍

秩然有序穆然有儀矣豈有一毫親疎之意間於其間哉古人所謂收宗族厚風俗使管攝人心者良以此也是以天下之理不合則無以見萬物之全體不分則無以盡生生之妙合之所以一其萬也分之所以萬其一也豈可以不爲萬而分以一小之也哉苟推是心以及於其萬則凡吾同姓者皆可囿於仁愛之中矣此吾族大父惓惓之意也亦吾諸宗今日所講之事也余以藐末猥叅宗盟與聞終始竊不勝感激于衷略書簡尾如此云時柔兆困敦之孟冬奉事公十七世孫益守謹序

嗚呼我先祖昌原府使公諱緝先系及入北譜昌原事實已悉於族祖諱景燮序文不必架疊而世級日降愈久愈遠懼夫三百有年前同父母親兄弟之族疎漏莫及裏足引領適值湖中沃川龍坊里 遠德祠享禮誠自興感且直傍祖僉正公派設譜所於永同可謂不謀而同有志者事竟成也竣後京洛嶺湖間修譜合譜反本自有景燮氏之至願而居北舉宗合辭不異從茲以往前期復易線路郵便連續幸望源源不替親睦之誼云爾丙子孟冬府使公十四世孫東漸謹跋

族之有譜古也內固可詳外亦不可略苟內而不外奚可以言譜哉我宗以密城大姓爲世甲族而譜猶有未盡焉者余故嘗恨之歲赤龍春適承乏備臬湖南而朴君紳又來作通判通判寔我同宗而自鼻而五派則分矣青紫相禪蓋莫相甲乙而至挽近踵登龍籍厥代及五則其過我二矣豈不赫然稱名家哉簿領之暇圖所以成譜而不獨其內其外亦詳焉蓋酬余宿恨也然不于諸宗而獨于吾兩家奚亦蘇子詳吾所自出之義也夫若其世德先懿余敢模畫哉使後世子孫觀吾譜而油然而生孝悌之心卽余志也

上之三年丁巳春通政大夫守全羅道觀察使兼兵馬水軍節度使巡察使全州府尹朴信圭謹識

余昔通判完山也同宗判書信圭公時爲觀察使相對慨然以氏譜不全爲歎仍出家譜屬余贊成未幾余承薇垣 召命繼而公又納節還 朝中間世故多端尙未成就余來莅永嘉府判書公再從弟重圭氏出宰一善可相議鋟梓判書公胤承旨明義氏述先志曷是事以先大爺遺譜序語送于宗姪奎東許

取舊譜參考證演以成全書幸矣仍念密陽之朴始于羅甲于東歷數千載蟬  
聯煥發爲一世名門右族者俱有譜牒刊行於世獨吾兩宗自始祖以下至于  
今承先蔭保冠冕敦親厚誼能不替其初一本之義而譜牒尙闕焉此前輩之  
所以慨然欲成者今而得賴諸宗人勉助是牒始完入梓其亦有待也歟追感  
存沒徒增愴恨也已後十五年辛巳秋通政大夫安東都護府使朴紳謹跋  
始吾先君與再從兄判書公信圭氏搜緝族譜未及鋟梓不幸先君卽世判書  
公又繼塲事遂不果迺者不肖忝宰一善會同宗安東伯紳氏慨然以刊譜爲  
意往復相議參考修整用付劂劂氏枝派之分瞭然悉矣孝悌之心油然而生矣  
吾宗數百年所未違者始完於今日聿追乎先志則茲非其幸歟如其諸派之  
詳略成書之首末判書公之序安東公之跋該焉茲不贅  
歲辛巳仲秋通訓大夫行善山府使朴重圭謹識

吾宗辛巳譜行已百餘年茲派系迭遠總功胥分譜之宜有以續久矣然而尙  
闕焉全嘗懼之歲甲子春遂與族姪長民宗人時養甫語而肯之仍勗于宗咸

能助役卽成編付剗凡閱六月而訖蓋亦事鉅而功易爲者矣第念辛巳譜成于兩宗家伊時判書公湖南之緝觀察公永嘉之刊符節相望何其盛也善山公實亦以時宰敦是役爲追念往昔信有不逮之感而今其遺序可按也况茲判書公家以不虞之故因緣未入殊復悵然豈述是譜而成之本意哉若其編錄諸例則大略因舊而加釐厚新而致詳固知僭猥其於吾宗孝悌之風亦庶有裨益云爾

歲甲子季秋朴齊道謹跋

吾家譜始刊行於

肅廟辛巳而我高祖觀察使同宗光州牧

英載甫

先祖判書公暨一善公寔主之

詳載於識跋信而有徵可以不揚先休垂範後人式至于今雲仍繁衍派系迭遠譜牒之續成實爲吾兩宗繼述之美今光牧述先志董是役以舊譜遺跋示余願得一言以續舊好余追感先誼不敢以寡陋辭其撰次編錄一遵辛巳譜而亦主乎謹嚴略採家庭間一二聞見益加修整用副剗以爲闡揚觀感之

一助焉後一百三十一年辛卯夏初通訓大夫前司憲府持平朴長輿謹跋  
凡譜所以明世系記遠近也世遠則譜隨而續焉譜之爲徵前信後顧不重歟  
吾宗辛巳譜寔我五代祖考判書公主之我從高祖承旨祇承勿墜用暨我判  
書公再從弟諱重圭同宗永嘉伯諱紳刊印成編今其前後弁卷可按而知嗚  
呼伊時兩宗符節相望剗鬪鄭重不亦盛矣哉今矩辛巳百三十有餘年不肖  
忝宰湖縣顧念譜事居然後屬疎遠落落如路人譜若不爲之續則大懼先訓  
是墜以茲昕夕耿寤粗謀拮据遂亟通于諸宗氏追緝入梓卽此爲辛卯譜也  
譜旣成略識本末以附先藁之後非敢曰能竊庶幾萬一於繼述之義云  
歲辛卯夏初通政大夫行光州牧使朴英載謹識

凡人家有譜莫不出於其先而一或子孫零瘁緒業怠弛不克續而述之譜遂  
無傳者往往有之矣豈不盡傷乎哉吾宗辛巳譜其始因竹軒判書公以時任  
湖南伯首爲編緝其後我高大父四拙軒觀察公開刊于永嘉前後弁卷班班  
照映式至今行之爲百餘年之久則宗人英載氏又適宰光州亟通于我族兄

持平長興氏刻期續編捐奉入粹英載氏卽竹軒公五世裔長興氏卽四拙軒  
玄孫兩宗繼述之美吁亦有辭矣因自而譜有沿襲總功袒免不失吾所自出  
厥功爲何如也譜一從辛巳其不失謹嚴可知而若其疑以傳疑又有編例存  
焉後之覽者當自知之譜旣成屬余爲一言有不敢辭謹識于後 歲辛卯  
通政大夫承政院右副承旨兼 經筵叅贊官春秋館修撰官朴長復謹跋  
朴氏之先出於新羅景明王分封八子皆有後各以受封爲貫其長曰密城君  
卽吾朴氏之祖也在

肅廟辛巳譜始作譜者何也溯其源而類其族也夫世遠則難稽人衆則易漏本  
支益繁簡編隨增爰有

純廟甲子辛卯之譜焉辛卯以後七十餘年諸派又盛咸曰斯可以續修也於是  
諸族齊會哀輯而辨證者凡十餘册也勒諸劄牘而至若譜系之前後詳略旣  
著於凡例茲不復述禮曰尊祖故敬宗敬宗故收族爲吾祖之孫者其勉之  
歲壬寅通政大夫敦寧府都正朴孝容謹序

新羅璿源系

一世

始祖王

姓朴氏諱赫居世漢宣帝地節元年壬子秋七月聖母自仙桃山降于楊山蘿井始祖誕降有神異祥宣帝五鳳元年甲子夏四月丙辰即位國號徐羅號居徐干漢平帝元始四年甲子春三月薨在位六十一歲壽七十三年○陵國都南七里曇岩寺傍

二世

嗣南解王

鮮或作海諱愨亦曰次雄甘露四年辛未誕生元始四年甲子立號次次雄三年丙寅春正月立始祖廟四時親祭漢更始二年甲申秋九月薨在位二十一年壽七十四○陵先陵同原卯坐王妃金氏封雲帝王后一云雲梯夫人誕二男

三世

嗣儒理王

諱治理亦曰齒理更治二年甲申立漢光武中元二年丁巳冬十月薨在位三十四年○陵先陵同原卯坐○王妃金氏封明宣王后葛文王日如女誕二男二女○陵東山子坐事實載史譜王以遺命傳昔脫解漢章帝建初五年庚辰脫解王薨復

四世

嗣逸聖王

光武建武二十年甲辰誕生漢順帝陽嘉三年甲戌立桓漢帝永興二年甲午春三月薨在位二十一年壽一百一十一○陵國都南七里蟹目嶺下槩田洞卯坐○王妃昔氏誕一男○陵金西門外子坐○王妃許氏正安王女事實載史譜太子阿達羅

五世

嗣阿達阿王

永興二年甲午立漢靈帝中平元年甲子春三月薨在位三十一年○陵國都南十五里拜日山卯坐○王妃昔氏誕一男一女○陵金西門外子坐事實載史譜

六世

男碧芳

見下

公主昔柰解王

諱燁追尊憲聖王子